



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

03 հունիսի 2024 թվականի թիվ 150-Ա

ՀՀ ՏԱՎՈՒՇԻ ՄԱՐԶՈՒՄ ՑՈՒՑԱԴՐԱԿԱՆ ՀԱՏՈՒԿ ՏԱԿՏԻԿԱԿԱՆ ՌԻՍՈՒՄՆԱՎԱՐԺՈՒԹՅԱՆ ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ

Ղեկավարվելով Հայաստանի Հանրապետության կառավարության 2015 թվականի հունվարի 22-ի «Արտակարգ իրավիճակներում բնակչության պաշտպանության և քաղաքացիական պաշտպանության ոլորտներում Հայաստանի Հանրապետության պետական կառավարման և տեղական ինքնակառավարման մարմինների ու կազմակերպությունների պատրաստման և տվյալ ոլորտների հիմնահարցերով բնակչության ուսուցման կարգն ու ծրագիրը սահմանելու ՀՀ կառավարության 2003 թվականի հունվարի 30-ի թիվ 134 որոշումն ուժը կորցրած ճանաչելու մասին» թիվ 46-Ն որոշումով և հիմք ընդունելով «Հայաստանի Հանրապետության Տավուշի մարզի բնակչության պաշտպանության համակարգի նախապատրաստման 2024 թվականի հիմնական միջոցառումների պլանի» 8.2.1 կետը

որոշում եմ.

1. Իմ ղեկավարությամբ ՀՀ Տավուշի մարզի Դիլիջան համայնքում 2024 թվականի հունիսի 21-ին անցկացնել ցուցադրական հատուկ տակտիկական ուսումնավարություն (այսուհետ՝ ուսումնավարություն) «Որոնողափրկարարական աշխատանքների կազմակերպումը փլուզված շենքերում» թեմայով:

2. Ուսումնավարությանը ընդգրկել՝

1) Հայաստանի Հանրապետության ներքին գործերի նախարարության փրկարար ծառայության Տավուշի մարզային փրկարարական վարչության Դիլիջանի թիվ 63 հրշեջ-փրկարարական ջոկատին.

2) Հայաստանի Հանրապետության ոստիկանության Տավուշի մարզային վարչության Դիլիջանի ոստիկանության բաժնից 1 խումբ, Հայաստանի Հանրապետության ներքին գործերի նախարարության ոստիկանության պարեկային ծառայության Տավուշի մարզի գումարտակի 2-րդ վաշտի 3-րդ դասակից 1 խումբ.

3) «Հայաստանի էլեկտրական ցանցեր» ՓԲԸ «Աղստև» մասնաճյուղի Դիլիջանի տեղամասի վթարավերականգնողական խմբին.

4) «Գազպրոմ Արմենիա» ՓԲԸ Տավուշի գազաֆիկացման և գազամատակարարման մասնաճյուղի Դիլիջանի մասնաճյուղի վթարավերականգնողական խմբին.

5) «Վեոլիա ջուր» ՓԲԸ «Հարավ» ՇՏ Դիլիջանի տեղամասի վթարավերականգնողական խմբին.

6) Դիլիջանի ԲԿ շտապօգնության խմբին:

3. Ոսումնավարժության ղեկավարման շտաբի պետ, փրկարարական ծառայության գնդապետ Վ. Փիրումյանին՝

1) կազմակերպել ուսումնավարժության պլանավորող փաստաթղթերի ժամանակին մշակումը և հաստատումը՝ համաձայն ուսումնավարժության նախապատրաստման օրացուցային պլանի.

2) կազմակերպել ուսումնավարժության մասնակիցների նախապատրաստումը՝ համաձայն ուսումնավարժության նախապատրաստման օրացուցային պլանի.

3) կազմակերպել համագործակցությունը ուսումնավարժությանը ներգրավված ուժերի միջև ուսումնավարժության նախապատրաստման հարցերով.

4) ուսումնավարժության անցկացմանը պատրաստ լինելու մասին զեկուցել 2024 թվականի հունիսի 18-ին.

5) ուսումնավարժության անցկացումից հետո 5-օրյա ժամկետում ներկայացնել ուսումնավարժության անցկացման մասին ամփոփագիրը:

4. Ուսումնավարժության ղեկավարման շտաբի գործնական միջոցառումների խմբի ղեկավար, փրկարարական ծառայության գնդապետ Կ. Փիրումյանին՝

1) կազմակերպել գործնական միջոցառումների տեղամասերի նախապատրաստումը՝ համագործակցելով արձագանքող ուժերի ղեկավար կազմի հետ.

2) հսկողություն իրականացնել՝ գործնական միջոցառումների իրականացման ընթացքում մասնակիցների կողմից անվտանգության կանոնների պահպանման նկատմամբ.

3) գործնական միջոցառումների իրականացման ընթացքում անվտանգության տեխնիկայի կանոնների խախտման դեպքում անհապաղ դադարեցնել իրականացվող գործողությունները և միջոցներ ձեռնարկել դրանց վերացման ուղղությամբ:

5. Ուսումնավարժության մասնակիցներին՝

1) ճշգրտել համապատասխան պլանները.

2) պատրաստ վիճակի բերել ուժերն ու միջոցները, համալրել ստորաբաժանումները հաշվեցուցակային գույքով.

3) ուսումնավարժության նախապատրաստման հարցերով համագործակցել ուսումնավարժության ղեկավարման շտաբի հետ.

4) պատրաստ լինել զեկուցելու ուսումնավարժության ընթացքում կատարած միջոցառումների մասին.

5) գործնական միջոցառումներ իրականացնելիս խստագույնս պահպանել անվտանգության կանոնները:

6. Սույն որոշումը տրամադրել ուսումնավարժության մասնակիցներին:

7. Սույն որոշման կատարման հսկողությունը վերապահում եմ ինձ:

ՄԱՐԶՊԵՏ

ՀԱՅԿ ՂԱԼՈՒՄՅԱՆ

[Handwritten signature]

2024-05-04 08:25:59 GMT+4
Հաղատված է էլեկտրոնային կոդով



Ք. Իջևան
2024թ. հունիսի 3

